

三輔黃圖序

易曰上古穴居而野處後世  
聖人易之以宮室上棟下宇  
以待風雨蓋取諸大壯三代  
盛時未聞宮室過制秦穆公  
居西秦以境地多良材始大



宮觀戎使由余適秦穆公示  
以宮觀由余曰使鬼為之則  
勞神矣使人為之則苦人矣  
是則穆公時秦之宮室已壯  
大矣惠文王初都咸陽取岐  
雍巨材新作宮室南臨渭北

踰涇至於離宮三百復起阿  
房未成而止始皇并滅六國  
憑藉富强益為驕侈殫天下  
財力以事營繕項羽入關燒  
秦宮闕三月火不滅漢高祖  
有天下始都長安寔曰西京



欲其子孫長安都於此也

長安本秦

之鄉名高祖作都

至孝武皇帝承文景

菲薄之餘恃邦國阜繁之資  
土木之役倍秦越舊斤斧之  
聲畚鍤之勞歲月不息蓋騁  
其邪心以誇天下也昔孔子

作春秋築一臺新一門必書  
於經謹其廢農時奪民力也  
今哀採秦漢以來宮殿門闕  
樓觀池苑在關輔者著於篇  
曰三輔黃圖云東都不與焉



重刻三輔黃圖引

夫學貴綜博文尚爾雅秦漢而下無取焉余讀平子二京孟堅兩都長卿上林子雲甘泉延壽靈光蓋慨然有關秦之思乃取關秦諸籍覽之如



宮闕記宮闕疏關中記廟記  
西京雜記雍錄三輔黃圖三  
輔舊事六典長安志一展翫  
間若置身關中而縱觀其盛  
也然理而瞻質而經則三輔  
黃圖盡矣三輔黃圖舊有華

容嚴公刻本歷歲滋久字漫  
漶莫可讀余故重刻之與博  
古之士同覽觀焉

嘉靖歲在己未仲冬之吉南  
郡白川劉景韶書

三輔黃圖目錄

萬曆壬寅仲秋

陝西布政使司重刊

卷之一

三輔沿革 三輔治所 京兆

馮翊 扶風 咸陽故城

宮

黃陽宮 棧陽宮 西垂宮

平陽宮 橐泉宮 步高宮





步壽宮

號宮

長楊宮

斬年宮

梁山宮

信宮

興樂宮

朝宮

阿房宮

蘭池宮

鐘宮

雲閣

望夷宮

林光宮

漢長安故城

秦漢風俗

都城十二門

霸城門

清明門

宣平門

覆盎門

鼎路門

使門

章城門

直城門

雍門

洛門

厨城門

橫門

卷之二

長安九市

長安八街

長安城中閭里

漢宮

長樂宮

未央宮

建章宮



桂宮

北宮

甘泉宮

卷之三

長樂宮

鴻臺殿

臨華殿

溫室殿

長信宮

未央宮

宣室殿

溫室殿

清涼殿

宣明殿

廣明殿

昆德殿

玉堂殿

麒麟殿

金華殿

承明殿

掖庭宮

椒房殿

昭陽殿

飛翔殿

增成殿

合歡殿

蘭林殿

披香殿

鳳凰殿

鴛鴦殿

安處殿

常寧殿

茝若殿

椒風殿

發越殿

蕙草殿

高門殿

非常殿

織室

凌室

暴室

美田

內謁者署

金馬門

路軫廡



建章宮

駘蕩宮

駁娑宮

天梁宮

朽詣宮

竒華殿

鼓簧宮

神明臺

北宮

壽宮

明光宮

太子宮中甲觀畫堂

甘泉宮

鈞弋宮

昭臺宮

長定宮

長門宮

永信宮

中安宮

儲元宮

犬臺宮

葡萄宮

步壽宮

梁山宮

黃山宮

回中宮

三良宮

集靈宮

集仙宮

存仙殿

存神殿

望仙臺

望仙觀

棠梨宮

竹宮

宜春宮

扶荔宮

五柞宮

宣曲宮

鼎湖宮

思子宮

萬歲宮

晉山宮

國家圖書館, NATIONAL CENTRAL LIBRARY, TAIWAN, R.O.C.



明光宮

池陽宮

養德宮

日華宮

曜華宮

此二宮不在三輔

卷之四

苑囿

周靈囿

漢上林苑

甘泉苑

御宿苑

思賢苑

博望苑

西郊苑

三十六苑

樂遊苑

宜春下苑

梨園

池沼

周靈沼

漢昆明池

鎬池

滄池

太液池

唐中池

百子池

十池

在上苑

飲飛外池

秦酒池

影娥池

琳池

鶴池

冰池

卷之五

臺榭

周靈臺

漢靈臺

栢梁臺

漸臺

神明臺

通天臺



涼風臺

魚池臺

酒池臺

著室臺

闔鷄臺

走狗臺

壇臺

韓信射臺

果臺

東西山臺

鈞弋臺

通靈臺

望鵠臺

眺瞻臺

桂臺

商臺

避風臺

長楊榭

辟廡

周辟廡

漢辟廡

明堂

周明堂

漢明堂

園丘

太學

宗廟

太上皇廟

高祖廟

高園

原廟

惠帝廟

文帝廟

景帝廟

武帝廟

昭帝廟

宣帝廟

元帝廟

成帝廟

寢廟園

新室九廟

南北郊

天郊

地郊

甘泉園丘

后土汾陰

社稷

官社

官稷

觀樓館

豫章觀

飛廉觀

屬玉觀

青梧觀

射熊觀

石闕觀

封巒觀

白楊觀

長平觀

龍臺觀

涿沐觀

細柳觀

成山觀

仙人觀

霸昌觀

蘭池觀

安臺觀

淪沮觀

禁觀

董賢觀

蒼龍觀

當市觀

旗亭樓

馬伯騫樓

麒麟館

朱雀館

龍興館

含章館

卷之六

閣

國家圖書館, NATIONAL CENTRAL LIBRARY, TAIWAN, R.O.C



石渠閣

天祿閣

麒麟閣

未央宮堯閣白虎閣

屬車閣

署

虎威

章溝

八營

庫

武庫

靈金內府

倉

太倉

細柳倉

嘉倉

廐

未央大廐

六廐

九廐

霸昌馬廐

都廐

中廐

園

秦獸園

漢獸園

虎園

橋

橫橋

渭橋

霸橋

便門橋

飲馬橋

陵墓

漢十五陵

王莽妻億年陵



雜錄

禁中

省中

鹵簿

清道

靜室

離宮

行在所

陛下

蘭館

蠶室

鍾室

作室

長安御溝

闕觀

塾

城

掖門

闈闈

永巷

蠻夷邸

關中八水

三輔黃圖目錄終



三輔黃圖卷之一

三輔沿革

禹貢九州舜置十二牧雍其一也古豐鎬之地

平王東遷以岐豐之地賜秦襄公至孝公始都

咸陽秦孝公十二年於渭北作咸陽徙都之咸陽在九峻山渭水

北山水俱在南故名咸陽秦并天下置內史以

領關中項籍滅秦分其地為三以章邯為雍王

都廢丘今興平縣地司馬忻為塞王都櫟陽董翳為

翟王都高奴今延川縣謂之三秦漢高祖入關定

卷之一

一



三輔卷一



三秦元年更為渭南郡九年罷郡復為內史五年高帝在洛陽婁敬說曰夫秦地被山帶河四塞以為固卒然有急百萬眾可立具因秦之故資甚美膏腴之地此所謂天府陛下入關而都之山東雖亂秦故地可全而有也又田肯賀高帝曰陛下治秦中秦形勢之國帶河阻山持戟百萬秦得百二焉地勢便利其以下兵於諸侯猶居高屋之上建瓴水也自是漢始都之景帝分置左右內史此為右內史武帝太初元年改

內史為京兆尹與左馮翊右扶風謂之三輔其理俱在長安古城中

### 三輔治所

京兆在故城南尚冠里

京大也天子曰兆民公羊曰京大也師眾也天

子所

馮翊在故城內太上皇廟西南

馮憑也翊輔也

京師也其地今同州扶風在夕陰街北

扶持也助也言助風化也今岐州

三輔者謂主爵中尉及左右內史漢武帝改曰

京兆尹左馮翊右扶風共治長安城中是為三

輔三輔郡皆有都尉如諸郡京輔都尉治華陰



左輔都尉治高陵右輔都尉治郿王莽分長安城旁六鄉置帥各一人分三輔為六都尉渭城安陵以西北至栒邑義渠十縣屬京尉大夫府居故長安寺高陵以北十縣屬師尉大夫府居故廷尉府新豐以東至湖十縣屬翊尉大夫府居城東霸陵杜陵以東至藍田西至武功郁夷十縣屬光祿大夫府居城西茂陵槐里以西至汧十縣屬扶尉大夫府居城西長陵池陽以北殺綽十縣屬列尉大夫府居後漢光武之後扶

風出治槐里馮翊出治高陵案百官表顏師古注引黃圖云京兆

在尚冠前街東入故中尉府馮翊在太上皇廟西入右扶風在夕陰街北入故主爵府長安以

東為京兆長陵以北為左馮翊渭北以西為右扶風

咸陽故城在今咸陽東二十里

自秦孝公至始皇帝胡亥竝都此城案孝公十二年作咸陽築冀闕徙都之始皇二十六年徙天下高貴富豪於咸陽十二萬戶諸廟及臺苑皆在渭南秦每破諸侯徹其宮室作之咸陽北坂上南臨渭自雍門以東至涇渭殿屋複道周



閣相屬所得諸侯美人鍾鼓以充之二十七年  
作信宮渭南已而更命信宮為極廟象天極自  
極廟道通驪山作甘泉前殿築甬道自咸陽屬  
之始皇窮極奢侈築咸陽宮因北陵營殿端門  
四達以制紫宮象帝居引渭水灌都以象天漢  
橫橋南渡以灋牽牛橋廣六丈南北二百八十  
步六十八間八百五十柱二百一十二梁橋之  
南北隄繳立石柱咸陽北至九峻甘泉南至鄠  
杜東至河西至汧渭之交東西八百里南北四里

離宮別館相望聯屬木衣綈綉土被朱紫宮人  
不移樂不改懸窮年忘歸猶不能徧

宮 馳道關

萑陽宮秦文王所起在今鄠縣西南二十三里  
械楊宮秦昭王所作在今岐州扶風縣東北

西垂宮文公元年居西垂宮

平陽封宮武公元年代彭戲氏至于華山下居

於平陽封宮

橐泉宮皇覽曰秦穆公冢在橐泉宮祈年觀下



步高宮在新豐縣亦名市丘城

步壽宮在新豐縣步高宮西

虢宮秦宣太后起在今岐州虢縣界

長楊宮在今盩厔縣東南三十里本秦舊宮至漢脩飾之以備行幸宮中有垂楊數畝因為宮名門曰射熊觀秦漢游獵之所

蘄年宮穆公所造廟記曰蘄年宮在城外秦始皇本紀蘄年宮在雍

梁山宮始皇幸梁山在好畤

信宮亦曰咸陽宮

解在前

興樂宮秦始皇造漢脩飾之周回二十餘里漢太后常居之

朝宮始皇三十五年以咸陽人多先王之宮庭小曰吾聞周文王都豐武王都鎬豐鎬之間帝王之都也乃營朝宮於渭南上林苑庭中可受十萬人車行酒騎行炙千人唱萬人和收天下兵古以銅為兵聚之咸陽銷以為鍾鐻高三丈鍾小者皆千石也銷鋒鏑以為金人十二以弱天下



之人立於宮門

三輔舊事云鑄金  
秋人立阿房殿前

坐高三丈銘

其後曰皇帝二十六年初兼天下改諸侯為郡  
縣一法律同度量大人來見臨洮其大五丈足  
跡六尺銘李斯篆蒙恬書董卓悉椎破銅人銅  
臺以為小錢英雄記曰昔大人見臨洮而銅人  
鑄臨洮生卓而銅人毀天下大亂卓身滅抑有  
以也餘二人魏明帝欲徙詣洛陽清明門裏載  
至霸城重不可致使留之

阿房宮亦曰阿城惠文王造宮未成而亡始皇

廣其宮規恢三百餘里離宮別館彌山跨谷輦  
道相屬閣道通驪山八十餘里表南山之顛以  
為闕絡樊川以為池作阿房前殿東西五十步  
南北五十丈上可坐萬人下建五丈旗以木蘭  
為梁以磁石為門

磁石門乃阿房北闕門也門  
在阿房前悉以磁石為之故

專其目令四夷朝者有隱甲皆以  
入門而脅止以示神亦曰却胡門周馳為複道

度渭屬之咸陽以象太極閣道抵營室也阿房  
宮未成欲更擇令名名之作宮阿基旁故天下  
謂之阿房宮隱宮徒刑者七十餘萬人乃分作



阿房宮

或作驪山蘭池宮始皇三十一年為微行咸陽與武士四人俱夜出逢盜蘭池注渭城縣有蘭池宮

鍾宮在鄜縣東北二十五里始皇收天下兵銷為鍾鐻此其處也

馳道案秦本紀始皇二十七年治馳道注曰馳道天子道也蔡邕曰馳道天子所行道也今之中道然漢書賈山傳曰秦為馳道於天下東窮

燕齊南極吳楚江湖之上濱海之觀畢至道廣五十步三文而樹厚築其外隱以金椎樹以青松漢令諸侯有制得行馳道中者行旁道無得行中央三丈也不如今沒入其車馬

雲閣二世所造起雲閣欲與南山齊

望夷宮在涇陽縣界長平觀道東北臨涇水以望北夷以為宮名

林光宮胡亥所造從廣各五里在雲陽縣界

漢長安故城



漢之故都高祖七年方脩長安宮城自櫟陽徙居此城本秦離宮也初置長安城本狹小至惠帝更築之按惠帝元年正月初城長安城三年春發長安六百里內男女十四萬六千人三十日罷城高三丈五尺下闊一丈五尺六月發徒隸二萬人常役至五年復發十四萬五千人三十日乃罷九月城成高三丈五尺下闊一丈五尺上闊九尺雉高三坂周回六十五里城南為南斗形北為北斗形至今人呼漢京城為斗城

是也漢舊儀曰長安城中經緯各長三十二里十八步地九百七十三頃八街九陌三宮九府三廟十二門九市十六橋地皆黑壤今赤如火堅如石父老傳云盡鑿龍首山土為城水泉深二十餘丈樹宜槐與榆松栢茂盛焉城下有池周繞廣三文深二丈石橋各六丈與街相直

### 秦漢風俗

漢志曰秦有四塞之固昔后稷封釐公劉虞豳大王徙岐文王作豐武王治鎬其民有先王遺



風好稼穡本業故幽詩言農桑衣食之業甚備  
秦都咸陽徙天下富豪十二萬戶漢高帝都長  
安徙諸齊田楚屈昭景及諸功臣於長陵後世  
世徙吏二千石高貲富人及豪傑無弁之家於  
諸陵強本弱末以制天下是故五方錯雜風俗  
不一貴者崇侈靡賤者薄仁義富強則商賈為  
利貧窶則盜賊不禁閭里嫁娶尤尚財貨送死  
過度故漢之京輔號為難理古今之所同也

### 都城十二門

長安城東出南頭第一門曰霸城門民見門色  
青名曰青城門或曰青門門外舊出佳瓜廣陵  
人邵平為秦東陵侯秦破為布衣種瓜青門外  
瓜美故時人謂之東陵瓜廟記曰霸城門亦曰  
青綺門漢書王莽天鳳三年霸城災莽更霸城  
門曰仁壽門無疆亭

長安城東出第二門曰清明門一曰籍田門以  
門內有籍田倉一曰凱門漢書平帝元始四年  
東風吹屋瓦且盡即此門也漢宮殿疏曰第二



門名城東門莽更名曰宣德門布恩亭

長安城東出北頭第一門曰宣平門民間所謂東都門漢書曰成帝建始元年有白蛾群飛蔽日從東都門至枳道又䟽廣太傅受少傅上䟽乞骸骨歸公卿大夫為設祖道供張東都門外即此門也其郭門亦曰東都即逢萌掛冠處也王莽更名春王門正月亭東都門至外郭亭十三里

長安城南出東頭第一門曰覆盎門一號杜門

廟記曰覆盎門與洛門相去十三里二百二十步門外有魯班輪所造橋工巧絕世長樂宮在城中近東直杜門其南有下杜城漢書集註云故杜陵之下聚落也故曰下門又曰端門北對長樂宮漢書曰戾太子所斫覆盎門出奔湖王莽更名曰永清門長茂亭

長安城南出第二門曰安門亦曰鼎路門北對武庫王莽更名曰光禮門顯樂亭

長安城南出第三門曰西安門北對未央宮一



曰便門即平門也古者平便皆同字武帝建元二年初作便門橋跨渡渭水上以趨陵其道易直三輔決錄曰長安城西門曰便橋橋北與門對因號便橋王莽更名曰信平門誠正亭

長安城西出南頭第一門曰章城門漢宮殿䟽曰章城門漢城西面南頭第一門三輔舊事曰章門亦曰光畢門又曰便門漢書成帝元延元年章城門牡自亡顏師古注云牡所以下王莽開者也亦以鉄為之

改曰萬秋門億年亭

長安城西出第二門曰直城門漢宮殿䟽曰西出南頭第二門也亦曰故龍樓門門上有銅龍本名直門王莽更曰直道門端路亭

長安城西出北頭第一門曰雍門本名西城門王莽改曰章義門著義亭其水北入有壘里民呼曰壘里門

長安城北出東頭第一門曰洛城門入曰高門漢宮殿䟽曰高門長安北門也又名鸛雀臺門外有漢武承露盤在臺上



長安城北第二門曰厨城門長安厨在門內因為門名王莽更名建子門廣世亭

長安城北出西頭第一門曰橫門漢書虎上小女陳持弓走入光門即此門也門外有橋曰橫

橋

漢書作走入橫城門如淳曰橫音光

漢城門皆有候門候主候時謹啓閉也三輔決錄曰長安城面三門四面十二門皆通達九達以相經緯衢路平正可竝列車軌十二門三塗洞關隱以金椎周以林木左右出入為往來之

徑行者升降有上下之別班固西都賦云披三條之廣路立十二之通門又張衡西京賦云城郭之制則旁闢三門參塗夷庭方軌十二街衢相經是也

三輔黃圖卷之一終







三輔黃圖卷之二

長安九市

廟記云長安市有九各方二百六十六步六市  
在道西三市在道東凡四里為一市致九州之  
人在突門夾橫橋大道市樓皆重屋又曰旗亭  
樓在杜門大道南又有當市樓有令署以察商  
賈貨財買賣貿易之事三輔都尉掌之直市在  
富平津西南二十五里即秦文公造物無二價  
故以直市為名張衡西京賦云郭開九市通闌



帶闌旗亭重立俯察百隧是也又案郡國志長安大俠黃子夏居柳市司馬季主卜於東市晁錯朝豚斬於東市西市在醴泉坊

### 長安八街九陌

有香室街夕陰街尚冠前街三輔舊事云長安城中八街九陌漢書劉屈氂妻梟首華陽街京兆尹張敞走馬章臺街陳湯斬郅支王首縣藁街張衡西京賦云參塗夷庭街街相經屢里端直薨宇齊平是也

### 長安城中閭里

長安閭里一百六十室居櫛比門巷脩直有宣明建陽昌陰尚冠脩城黃棘北煥南平等里漢書萬石君奮徙家長安戚里宣帝在民間時常在尚冠里劉向列女傳節女長安大昌里人也

### 宮

長樂宮本秦之興樂宮也高皇帝始居櫟陽七年長樂宮成徙居長安城二輔舊事宮殿䟽皆曰興樂宮秦始皇造漢脩飾之周回二十里前



殿東西四十九丈七尺兩杼中三十五丈深十二丈長樂宮有鴻臺有臨華殿有温室殿有信宮長秋永壽永寧四殿高帝居此宮後太后常居之孝惠至平帝皆居未央宮漢書宣帝元康四年神爵五采以萬數集長樂宮五鳳三年鸞鳳集長樂宮東闕中樹上王莽改長樂宮為長樂室在長安中近東直杜門

未央宮漢書曰高祖七年蕭何造未央宮立東

闕比闕闕門觀也劉熙釋名曰闕在門兩旁中

由出也未央宮殿雖南向而上書奏事謁見之徒皆在北闕焉是則以北闕為正門而又有東

闕東門至於西南兩面無門闕矣蓋前殿武庫

蕭何立未央宮以厭勝之術理然乎

歲兵器太倉廩粟所在一百三十上見其壯麗

之處也甚怒曰天下匈匈勞苦數歲成敗未可知是何

治宮室過度也何對曰以天下未定故可因以

就宮室且天子以四海為家非令壯麗無以重

威無令後世有以加也上悅自櫟陽徙居焉未

央宮周回二十八里前殿東西五十丈深十五

丈高三十五丈前殿同路寢見諸侯群臣處也營未央宮因龍



首山以制前殿

山長六十里頭入渭水尾連樊川秦時有黑龍從南山出飲渭

水其行道因城土山疏山為臺殿不假板築高出長安城西京賦所謂疏龍首以抗前殿此也

至孝武以木蘭為焚燎

木蘭香木

焚燎棟椽文杏為梁柱

杏木之有文者金鋪玉戶

金鋪扉上有金華中作獸及龍蛇鋪首以銜環也玉戶以

玉飾也華榱璧瑱雕楹玉碣

楹柱也碣柱下石也

重軒鏤檻

青瑣丹墀

青瑣窓也墀殿階也

左碱右平

右乘車上故使之平左以人上

故為之階平碱階級也

黃金為壁帶間以和氏珍玉風至

其聲玲瓏然也未央宮有宣室麒麟金華承明

武臺鈎弋等殿又有殿閣三十有二有壽成萬

歲廣明椒房清涼水延玉堂壽安平就宣德東

明飛兩鳳凰通光曲臺白虎等殿廟記云未央

宮有增成昭陽殿漢宮殿疏曰未央宮有麒麟

閣天祿閣有金馬門青瑣門玄武蒼龍二闕朱

鳥堂畫堂甲觀非常室又有鈎盾署弄田三輔

決錄曰未央宮有延年殿合歡殿四車殿又漢

宮閣記云未央宮有宣明長年溫室昆德四殿

又有玉堂增盤閣宣室閣三輔舊事云武帝於

未央宮起高門武臺殿漢武故事云神明殿在



未央宮王莽改未央宮曰壽成室前殿曰玉路  
堂如路寢也按舊圖漸臺織室凌室皆在未央  
宮建章宮武帝太初元年栢梁殿災粵巫勇之  
曰粵俗有火災即復起大屋以厭勝之帝於是  
作建章宮度為千門萬戶宮在未央宮西長安  
城外帝於未央宮營造日廣以城中為小乃於  
宮西跨城池作飛閣通建章宮構輦道以上下  
輦道為閣道可以乘輦而行宮之正門曰閶闔閶闔天門也  
者以象天門也高二十五丈亦曰壁門左鳳闕闕上金鳳高

丈餘漢書集註曰今長安故城西俗呼貞女樓即建章闕也高二十五丈右

神明臺言臺高神明居其上門內北起別風闕在閶闔門內以

其出宮垣識風從何高五十丈對峙并幹樓高處來以為闕名也

五十丈輦道相屬焉連閣皆有梁連閣曲閣以覆重

刻垣墉屏翳之處畫以前殿下視未央其西則雲氣鳥獸其形不愚然

廣中殿受萬人三輔舊事云建章周回三十里

東起別風闕高二十五丈乘高以望遠又於宮

門北起圓闕高二十五丈上有銅鳳凰赤眉賊

壞之西京賦云圓闕聳以造天若雙碣之相望



是也廟記云建章宮北門高二十五丈建章北  
闕門也又有鳳凰闕漢武帝造高七十丈五尺  
鳳凰闕一名別風闕又云燿燿闕在圓闕門內  
二百步繁欽建章序云秦漢規模廓然泯毀惟  
建章鳳闕聳然獨存雖非象魏之制亦一代之  
巨觀古歌云長安城西有雙闕上有雙銅雀一  
鳴五穀熟再鳴五穀熟按銅雀即銅鳳凰也楊  
震關輔古語云長安民俗謂鳳凰闕為貞女樓  
司馬相如賦云預章貞女樹長千仞大連抱漢  
冬夏常青未嘗凋落若有貞節故以為名

書曰建章宮南有玉堂壁門三層臺高三十丈  
玉堂內殿十二門階陛皆玉為之鑄銅鳳高五  
尺飾黃金樓屋上下有轉樞向風若翔椽首薄  
以璧玉因曰壁門建章有駘蕩馭婆朽詣天梁  
奇寶鼓簧等宮又有玉堂神明堂䟽圃鳴鑿奇  
華銅柱函德二十六殿太液池唐中池  
桂宮漢武帝造周回十餘里漢書曰桂宮有紫  
房複道通未央宮闕輔記云桂宮在未央北中  
有明光殿土山複道從宮中西上城至建章神



明臺蓬萊山三秦記未央宮漸臺西有桂宮中

有明光殿皆金玉珠璣為簾箔處處明月珠金

陛玉階晝夜光明又西京雜記云武帝為七寶

牀雜寶按廁寶屏風列寶帳設於桂宮時人謂

為四寶宮

長安記曰桂宮在未  
央宮北亦曰北宮

北宮在長安城中近桂宮俱在未央宮北周回

十里高帝時制度草創孝武增脩之中有前殿

廣五十步珠簾玉戶如桂宮漢書曰呂太后崩

孝惠皇后廢處北宮又曰哀帝崩貶皇太后趙

氏為孝成皇后退居北宮皇后薄氏退居桂宮

甘泉宮一曰雲陽宮史記秦始皇二十七年作

甘泉宮及前殿築甬道

築垣牆如街巷

自咸陽屬之關

輔記曰林光宮一曰甘泉宮秦所造在今池陽

縣西故甘泉山宮以山為名

或曰高泉山蓋  
習俗語訛爾

宮

周匝十餘里漢武帝建元中增廣之周十九里

去長安三百里望見長安城黃帝以來圓丘祭

天處

漢志雲陽縣有休屠金人徑路神祠三所  
音義云匈奴祭天處本雲陽甘泉山下秦

奪其地徙休屠右地郊祀志  
云徑路神祠祭休屠王處

遁甲開山圖云雲



陽先生之墟也武帝造闕於南以象方色於甘

泉宮更置前殿始造宮室有芝生甘泉殿邊房

中房中樂有芝草之歌漢舊儀云芝有九莖芝草歌曰芝九莖連葉芝

金色綠葉朱實夜有光乃作芝房之歌帝又起

紫殿雕文刻鏤黼黻以玉飾之成帝永始四年

行幸甘泉郊泰時神光降於紫殿今按甘泉谷

北岸有槐樹今謂玉樹根幹盤峙三二百年木

也楊震關輔古語云耆老相傳咸以謂此樹即

楊雄甘泉賦所謂玉樹青葱也甘泉有高光宮

又有林光宮有長定宮竹宮通天臺通靈臺武

帝作迎風館於甘泉山後加露寒儲胥二館皆

在雲陽甘泉中西廂起彷徨觀築甘泉苑建元

中作石闕封巒鳩鵲觀於苑垣內宮南有昆明

池苑南有棠梨宮

漢未央長樂甘泉宮四面皆有公車公車主受章疏之處

司馬門凡言司馬者宮垣之內兵衛所在司馬

主武事故謂宮之外門為司馬門按漢官衛令

諸出入殿門公車司馬門者皆下不如令罰金



四兩王莽改公車司馬門曰王路四門分命諫  
大夫四人受章疏以通下情百官表衛尉屬官  
有公車司馬令丞  
漢官儀云公車司馬掌殿司馬門夜檄宮中天下  
上事及闕下凡所徵召皆總領之令秩六百  
石

三輔黃圖卷之二終



三輔黃圖卷之三

長樂未央建章北宮甘泉宮中宮室臺殿

鴻臺秦始皇二十七年築高四十丈上起觀宇  
帝嘗射飛鴻于臺上故號鴻臺漢書惠帝四年  
長樂宮鴻臺災臨華殿在長樂宮前殿後武帝  
建漢書成帝永始四年長樂宮臨華殿災温室  
殿按漢宮殿疏在長樂宮又漢宮閣記在未央  
宮

長信宮漢太后常居之按通靈記太后成帝母



也后宮在西秋之象也秋主信故宮殿皆以長信長秋為名又永壽永寧殿皆后所處也成帝母王

太后居長信宮

### 右長樂宮

宣室温室清涼皆在未央宮殿北宣明廣明皆在未央殿東昆德玉堂皆在未央殿西

宣室未央前殿正室也淮南子曰周武王殺紂於宣室漢取舊名也漢書曰文帝受釐宣室夜半前席賈生問鬼神之事即此也又王莽地皇

四年城中少年朱弟張魚等燒宮莽避火宣室前殿火輒隨之

温室殿武帝建冬處之温暖也西京雜記曰温室以椒塗壁被之文繡香桂為柱設火齊屏風鴻羽帳規地以芻賓氍毹漢書曰孔光為尚書令歸休與兄弟妻子燕語終不及朝省政事或

問温室省中樹何木光不應漢書京房奏考功課吏法上令公卿

朝臣會議温室

清涼殿夏居之則清涼也亦曰延清室漢書曰



清室則中夏含霜即此也董偃常卧延清之室以畫石為牀文如錦紫琉璃帳以紫玉為盤如屈龍皆用雜寶飾之侍者於外扇偃偃曰玉石豈湏扇而後涼邪又以玉晶為盤貯冰於膝前玉晶與冰同潔侍者謂冰無盤必融濕席乃拂玉盤墜冰玉俱碎玉晶千塗國所貢也武帝以此賜偃

麒麟殿未央宮有麒麟殿漢書哀帝燕董賢父子於麒麟殿視賢曰吾欲法堯禪舜如何王閔

切皆銅沓

切門限也

黃金塗白玉堦壁帶徃徃為黃

金釭函藍田璧明珠翠羽飾之自後宮未嘗有

馬班婕妤居增成舍

後宮八區增成第三區也

哀帝時董賢

女弟為昭儀居舍號曰椒風

高門殿漢書曰汲黯請見高門注曰未央宮高

門殿也又哀帝時鮑宣諫曰陛下擢臣巖穴誠

莫有益毫毛豈欲臣美食大官重高門之地

非常室漢書成帝綏和二年鄭通里人王褒絳

衣小冠帶劔入北司馬門殿東門上前殿至非



常室中

殿上室名

解帷組結佩之召前殿署長業等

曰天帝令我居此業等收縛考問乃故公車太

誰卒病狂易不自知入宮下獄死

大誰者主問非常之人誰

以誰何稱因用為官名有大誰長今此卒者長所領士卒也狂易謂病狂而變易其常也

織室在未央宮又有東西織室織作文繡郊廟

之服有令史

凌室在未央宮藏冰之所也豳詩七月篇曰納

于凌陰周官凌人職掌藏冰大祭祀飲食則供

冰漢書惠帝四年織室凌室災

曰天下乃高皇帝天下非陛下之天下也陛下

奉承宗廟當傳之無窮安可妄有所授帝業至

重天子無戲言上默然不悅

金華殿未央宮有金華殿漢書曰成帝初方向

學召鄭寬中張禹說尚書論語於金華殿中

承明殿未央宮有承明殿著述之所也班固西

都賦序云內有承明著作之庭即此也漢書武

帝謂嚴助曰君厭承明之廬又成帝鴻嘉二年

雉飛集承明殿屋



蒼龍白虎朱雀玄武天之四靈以正四方王者制宮闕殿閣取法焉

掖庭宮 在天子左右如肘膝

椒房殿在未央宮以椒和泥塗取其溫而芬芳也武帝時後宮八區有昭陽飛翔增成合歡蘭林披香鳳凰鴛鴦等殿後有增修安處常寧廣若椒風發越蕙草等殿為十四位成帝趙皇后居昭陽殿 號飛燕也 有女弟俱為婕妤好貴傾後宮昭陽舍蘭房椒壁其中庭彤朱而庭上髹漆

暴室主掖庭織作染練之署謂之暴室取暴曬為名耳有嗇夫官屬

弄田在未央宮弄田者燕遊之田天子所戲弄耳漢書昭帝紀曰始元元年上耕于鈞盾弄田應劭注云帝時年九歲未能親耕帝籍鈞盾官宦者近署故往試耕為戲弄成帝建始三年小女陳持弓年九歲闢入尚方掖門至未央殿鈞盾禁中

內謁者署在未央宮屬少府續漢書云掌宮中



步帳褻物丁孚漢官云令秩千石

金馬門宦者署武帝時大宛馬以銅鑄像立於署門因以為名東方朔主父偃嚴安徐樂皆待詔金馬門即此 路軫廐在未央宮掌宮中輿馬亦曰未央廐漢書曰武帝時期門郎上官桀遷為未央廐令

右未央宮

駘蕩宮春時景物駘蕩滿宮中也

馭娑宮馭娑馬行疾貌馬行迅疾一日之間遍

宮中言宮之大也

枵詣宮枵詣木名宮中美木茂盛也

天梁宮梁木至於天言宮之高也四宮皆在建章宮

竒華殿在建章宮旁四海夷狄器服珍寶火浣布切玉刀巨象大雀師子宮馬充塞其中

鼓簧宮漢官闕疏云鼓簧宮周匝一百三十步在建章宮西北

神明臺漢書曰建章有神明臺廟記曰神明臺



武帝造祭仙人處上有承露盤有銅仙人舒掌捧銅盤玉杯以承雲表之露以露和玉屑服之以求仙道長安記仙人掌大七圍以銅為之魏文帝徙銅盤折聲聞數十里

右建章宮

壽宮北宮有神仙宮壽宮張羽旗設供具以禮神君神君來則肅然風生帷帳皆動

明光宮武帝太初四年秋起在長樂宮後南與長樂宮相連屬漢書元后傳曰成都侯商嘗疾

欲避暑從上借明光宮蓋即此王莽建國元年改明光宮為安館安定太后居之

太子宫甲觀太子宫有甲觀畫堂

漢書注曰甲者甲乙丙丁

也

漢書曰孝成皇帝元帝太子也母曰王皇后元帝在太子宫生甲觀畫堂元后傳曰見於丙殿此其例也畫堂謂宮殿中彩畫之堂

右北宮

鈞弋宮列仙傳曰鈞弋夫人姓趙氏河間人少



好酒病卧六年右手鈎卷飲食少望氣者云東北有貴人推而得之見召姿色佳麗武帝及其手得玉鈎而手展有寵生昭帝姪娠十四月上曰聞昔堯十四月而生今鈎弋亦然乃命所生門曰堯母門所居曰鈎弋宮自夫人加疑好後得罪掖庭獄死及殯香一月昭帝即位追尊為皇太后更葬之發六十二萬人起陽陵其棺襯但有彩履王褒雲陽記曰鈎弋夫人從至甘泉而卒尸香聞十餘里葬雲陽武帝思之起通靈

臺於甘泉宮有一青鳥集臺上往來至宣帝時乃不至漢武故事曰鈎弋宮在直門之南

昭臺宮在上林苑中孝宣霍皇后立五年廢處昭臺宮後十二歲徙雲林館乃自殺

長定宮林光宮中有長定宮三輔決錄曰后從帝行幸於甘泉宮居長定宮孝成許皇后廢處昭臺宮歲餘徙長定宮

長門宮離宮在長安城孝武陳皇后得幸頗妬居長門宮



永信宮孝哀帝尊恭皇太后曰帝太太后稱永信宮

中安宮孝哀帝尊恭皇太后曰帝太太后稱中安宮

儲元宮在長安城西漢書外戚傳曰信都太后與信都王俱居儲元宮

犬臺宮在上林苑中長安西二十八里漢書江充召見犬臺宮

葡萄宮在上林苑西漢哀帝元壽三年單于來

朝以太歲厭勝所舍之此宮

步壽宮秦亦有步壽宮今按其地與秦異則秦漢各有步壽宮耳漢祿祠宮宣帝神爵二年鳳凰集祿祠縣鳳凰集處得玉寶乃起步壽宮

梁山宮梁山好畤界即禹貢云壺口治梁及岐又古公踰梁山于岐下及秦立梁山宮皆此山下也史記秦本紀始皇三十二年幸梁山宮即此也

黃山宮在興平縣西三十里武帝微行西至黃



山宮即此也

回中宮史記秦始皇二十七年巡隴西北地出  
笄頭過回中漢書文武十四年匈奴入蕭關殺  
都尉燒回中宮侯騎至雍武帝元狩四年幸雍  
通回中道遂北出蕭關又有三良宮相近

集靈宮集仙宮存仙殿存神殿望仙臺望仙觀  
俱在華陰縣界皆武帝宮觀名也華山記及三  
輔舊事云昔有太元真人茅盈內記始皇三十  
一年九月庚子盈曾祖父濛於華山乘雲駕龍

白日昇天先是邑人謠曰神仙得者茅初成駕  
龍上昇入太清時下玄州戲赤城繼世而往在  
我盈帝若學之臘嘉平漢武帝內傳曰魯女生  
長樂人初餌胡麻乃永絕穀八十餘年少壯色  
如桃華一日與親知故人別入華山後五十年  
先識者逢女於廟前乘白鹿從王母人因識之  
謝其鄉里而去又神仙傳曰中山衛叔卿常乘  
雲車駕白鹿見漢武帝將臣之叔卿不言而去  
武帝悔求得其子度令追其父登華岳見父與



數人坐於石上敕度令還又華山記弘農鄧紹  
八月曉入華山見童子執五綵囊盛栢葉露食  
之武帝即其地造宮殿歲時祈禱焉漢書云華  
陰縣有集靈宮又有望仙觀在華陰縣

棠梨宮在甘泉苑垣外雲陽南三十里

竹宮甘泉祠宮也以竹為宮天子居中漢舊儀

云竹宮去壇三里

宜春宮本秦之離宮在長安城東南杜縣東近  
下社

扶荔宮在上林苑中漢武帝元鼎六年破南越

起扶荔宮

宮以荔  
枝得名

以植所得奇草異木菖莆百

本山薑十本甘蕉十二本留求子十本桂百本

密香指甲花百本龍眼荔枝檳榔橄欖千歲子

甘橘皆百餘本上木南北異宜歲時多枯瘁荔

枝自交趾移植百株于庭無一立者連年猶移

植不息後數歲偶一株稍茂終無華實帝亦珍

惜之一旦萎死守吏坐誅者數十人遂不復蒔

矣其實則歲貢焉郵傳者疲斃於道極為生民



之患至後漢安帝時交趾郡守極陳其弊遂罷其貢

五柞宮漢之離宮也在扶風蓋屋宮中有五柞樹因以為名五柞皆連抱上枝覆蔭數畝

宣曲宮在昆明池西孝宣帝曉音律常於此度曲因以為名

鼎湖宮在湖城縣界又一說在藍田有亭昔黃帝採首山

銅以鑄鼎鼎成有龍下迎地仙去小臣攀龍鬚而上者七十二人漢武帝於此建宮

思子宮武帝寤戾太子無辜被殺作思子宮為歸來望思之臺於湖

萬歲宮武帝造汾陰有萬歲宮宣帝元康四年幸萬歲宮神爵翔集以元康五年為神爵紀元首山宮漢武帝元封元年封禪後夢高祖坐明堂朝群臣於是祀高祖於明堂以配天還作首山宮以為高靈館

明光宮武帝求仙起明光宮發燕趙美女二千人充之率取二十以下十五以上年滿三十者



出嫁之掖庭令惣其籍時有死出者隨補之  
池陽宮在池陽南上原之阪有長年阪去長安  
五十里

養德宮趙王如意年幼未能就外傳戚姬養之  
趙王內傳趙媼傳之號其室曰養德宮

右甘泉宮

日華宮河間獻王德築日華宮置客館二十餘  
區以待學士自奉養甚薄不踰賓客

曜華宮梁孝王好營宮室苑囿之樂作曜華宮

築兔園園中有百靈山有膚寸石落猿巖栖龍  
岫又有鴈池池間有鶴洲鳧渚其諸宮觀相連  
延亘數十里奇果異樹珍禽恠獸畢有王日與  
宮人賓客弋釣其中

右日華曜華宮營構不在三輔然皆漢  
之諸王所建以附宮室篇末

漢畿內千里並京兆治之內外宮館一百四十  
五所班固西都賦云前乘秦嶺後越九峻東薄  
河華西涉岐雍宮館所歷百有餘區秦離宮二



百漢武帝徃徃脩造之

以上叅校古本諸書補正四十二字

三輔黃圖卷之三終



三輔黃圖卷之四

苑囿

周靈囿文王囿也詩曰王在靈囿鹿鹿攸伏麀鹿濯濯白鳥騞騞毛萇註曰囿所以域養禽獸也天子百里諸侯四十里靈者言文王之有靈德也靈囿言道行於苑囿也孟子曰文王之囿方七十里芻蕘者往焉雉兔者往焉與民同其利也文王靈囿在長安縣西四十二里漢上林苑即秦之舊苑也漢書云武帝建元三年開上



林苑東南至藍田宜春鼎湖御宿昆吾旁南山而西至長楊五柞北繞黃山瀕渭水而東周袤三百里離宮七十所皆容千乘萬騎漢宮殿䟽云方三百四十里漢舊儀云上林苑方三百里苑中養百獸天子秋冬射獵取之帝初脩上林苑群臣遠方各獻名果異卉三千餘種植其中亦有製為美名以標竒異茂陵富民袁廣漢歲鏹鉅萬家僮八九百人於北山下築園東西四里南北五里激流水注其中構石為山高十餘

丈連延數里養白鸚鵡紫鴛鴦犖牛青兕竒獸珍禽委積其間積沙為洲嶼激水為波濤致江鷗海鶴孕雛產鷄延漫林池竒樹異草靡不培植屋皆徘徊連屬重閣脩廊行之移晷不能徧也廣漢後有罪誅沒入為官園鳥獸草木皆移入上林苑中上林苑有昆明觀武帝置又有蘭觀平樂觀遠望觀燕昇觀觀象觀便門觀白鹿觀三爵觀陽祿觀陰德觀鼎郊觀樛木觀椒唐觀魚鳥觀元華觀走馬觀柘觀上蘭觀郎池觀



當路觀皆在上林苑又舊儀曰上林有令有尉禽獸簿記其名數又有上林詔獄主治苑中禽獸宮館之事屬水衡又上林苑中有六池市郭宮殿魚臺犬臺獸圈

甘泉苑武帝置緣山谷行至雲陽三百八十一里西入扶風凡周回五百四十里苑中起宮殿臺閣百餘所有仙人觀石闕觀封巒觀鳩鵲觀御宿苑在長安城南御宿川中漢武帝為離宮別館禁禦人不得入往來遊觀止宿其中故曰

御宿三秦記云御宿園出栗十五枚一勝大梨如五勝落地則破其取梨先以布囊承之號曰含消此園梨也

思賢苑孝文帝為太子立思賢苑以招賓客苑中有堂室六所客館皆廣廡高軒屏風幃褥甚麗廣陵王胥有勇力常於別園學格熊後遂能空手搏之莫不絕脰後為獸所傷陷腦而死博望苑武帝立子據為太子為太子開博望苑以通賓客漢書曰武帝年二十九乃得太子甚



喜太子冠為立博望苑使之通賓客從其所好  
又云博望苑在長安城南杜門外五里有遺址  
西郊苑漢西郊有苑園林麓數澤連亘繚以周  
垣四百餘里離宮別館三百餘所  
三十六苑漢儀注大僕牧師諸苑三十六所分  
布北邊西邊以郎為苑監宦官奴婢三萬人養  
馬三十萬疋養鳥獸者通名為苑故謂之牧馬  
處為苑

樂遊苑在杜陵西北宣帝神爵三年春起

宜春下苑在京城東南隅

元帝紀注東南隅曲池是梨園雲

陽宮記曰雲陽車箱坂下有梨園一項梨數百  
株青翠繁密望之如車蓋

### 池沼

周文王靈沼在長安西三十里詩曰王在靈沼  
於物魚躍漢昆明池武帝元狩四年穿在長安  
西南周回十里西南夷傳曰天子遣使求身毒

國市竹

身毒國即天竺也漢書曰張騫言使大夏時見蜀布即竹杖問所從來曰從東

來身毒國可數千里得蜀賈人市而為昆明所閉天子欲伐之



越舊昆明國有滇池方三百里故作昆明池以

象之以習水戰因名曰昆明池漢書曰元狩三年滅隴西北地

上郡戍卒之半及吏弄法者謫之穿此池食貨志曰時越欲與漢用

船戰逐水戰相逐也乃大脩昆明池也三輔舊事曰

昆明池地三百三十二頃中有戈船各數十樓

船百艘船上建戈矛四角悉垂幡旄葆麾蓋照

燭涯涘圖曰上林苑有昆明池周匝四十里廟

記曰池中後作豫章大船可載萬人上起宮室

因欲遊戲養魚以給諸陵祭祀餘付長安厨三

輔故事又曰池中有豫章臺及石鯨刻石為鯨

魚長三丈每至雷雨常鳴吼鬣尾皆動一說甘

泉宮南有昆明池池中有靈波殿皆以桂為殿

柱風來自香又曰池中有龍首船常令宮女泛

舟池中張鳳蓋綉鳳為飾建華旗作權歌權歌權發

權歌謳舟人歌也雜以鼓吹帝御豫章觀臨觀馬關輔

古語曰昆明池中有二石人立牽牛織女於池

之東西以象天河張衡西京賦曰昆明靈沼黑

水玄址牽牛立其右織女居其左今有石父石



婆神祠在廢池疑此是也武帝初穿池得黑土  
帝問東方朔東方朔曰西域胡人知乃問胡人  
胡人曰劫燒之餘灰也三秦記曰昆明池中有  
靈沼名神池云堯時治水嘗停船於此池通白  
鹿原原人釣魚綸絕而去夢於武帝求去其鈎  
三日戲於池上見大魚啣索帝曰豈不穀昨所  
夢邪乃取鈎放之間三日帝復遊池池濱得明  
珠一雙帝曰豈昔魚之報邪

鎬池在昆明池之北即周之故都也廟記曰長  
安城西有鎬池在昆明池北周匝二十二里漑  
地三十三頃史記曰秦始皇帝三十六年使者  
從關東夜至華陰縣平舒道有人持璧遮使者  
曰為吾遺鎬池君因言曰今年祖龍死使者問  
其故忽不見置其璧去使者奉璧具以聞始皇  
默然良久曰山鬼不過知一歲事退言曰祖龍  
者人之先也祖始也龍者人主之象謂始皇也使御府視璧乃  
二十八年渡江所沉璧也

滄池在長安城中舊圖云未央宮有滄池言池



水蒼色故曰滄池

太液池在長安故城西建章宮北未央宮西南

太液者言其津潤所及廣也關輔記云建章宮

北有池以象北海刻石為鯨魚長三丈漢書曰

建章宮北治大池名曰太液池中起三山以象

瀛洲蓬萊方丈刻金石為魚龍奇禽異獸之屬

瀛洲一名崑洲亦曰溟洲有樹名影木月中視

之如列星方歲一實食之輕骨上有枝葉如華

蓋葦仙以避風雨有全鑿之觀飾以環玉直上

於雲中有青瑤瓦覆之以雲紈之素刻碧玉為

倒龍之狀懸火精為日刻黑玉為鳥以水精為

月青瑤為蟾兔於地為機是以則昏明不虧

弦望有香風冷然而至有草名芸苗狀如菖蒲

食葉則醉食根則醒有鳥如鳳身緝翼丹名曰

藏珠每鳴於日月也蓬萊山亦名防丘亦名雲東

輕而耀於日也蓬萊山亦名防丘亦名雲東

高而耀於日也蓬萊山亦名防丘亦名雲東

不加陶冶自然光淨仙者服之東有鬱夷國時

有金霧諸仙說北土常浮轉低昂有如山上架

樓室向明以開戶牖及霧歇滅戶皆向北上浮

雲之幹葉青葦紫子大如珠有青鸞集其上

有砂礫細如粉柔風至葉幹翻起拂細砂如雲

霧仙者來觀而戲焉風吹竹葉聲如鐘磬方丈

之山一名鬱維東方龍場方千里瑤上為林雲

色皆紫上有通霞臺西王母常遊於其上常有

鸞鳳鼓舞如琴瑟和鳴三山統名崑丘亦曰神

山上有不死之藥食之輕舉武帝信仙道取少

君藥大妄誕之語多起樓觀故池中立三山以

象蓬萊瀛洲廟記曰建章宮北池名太液周四十



項有採蓮女鳴鶴之舟又按三輔舊事云日出  
賜谷浴於咸池至虞淵即暮此池象之也昭帝  
始元元年春黃鵠下建章宮太液池成帝常以  
秋日與趙飛燕戲於太液池以沙棠木為舟沙棠木造舟不沉溺以雲母飾於鷁首一名雲舟又刻大桐  
木為虬龍彫飾如真夾雲舟而行以紫桂為柁  
棹及觀雲棹之玩擷菱藻帝每憂輕蕩以驚飛  
燕命飲飛之士以金鎖纜雲舟於波上每輕風  
時至飛鷁殆欲隨風入水帝以翠縷結飛鷁之

裾常恐曰妾微賤何復得預結纓裾之遊今太  
液池尚有避風臺即飛燕結裾之處

唐中池周回十二里在建章宮太液池之南  
百子池戚夫人侍兒賈佩蘭後出為扶風人段  
儒妻說在宮內時見戚夫人侍高祖嘗以趙王  
如意為言而高祖思之幾半日不言歎息悽愴  
而未知其術使夫人擊筑高祖歌大風以和之  
七月七日臨百子池作于闐樂樂闋以五色縷  
相羈謂之相連愛八月四日出彫房北戶竹下



圍棊勝者終年有福負者終年疾病取綵綫就  
北斗星辰求長命乃免正月上辰出池邊盥濯  
食蓬餌以袪妖邪三月上巳張樂於池○十池  
上林苑有初池糜池牛首池蒯池積草池東陂  
池西陂池當路池大臺池郎池牛首池在上林  
苑中西頭蒯池生蒯草以織席西陂池郎池皆  
在古城南上林苑中陂郎二水名因為池積草  
池中有珊瑚樹高一丈二尺一本三柯上有四  
百六十二條南越王趙佗所獻號為烽火樹至

### 夜景常煥然

少府飲飛外池漢儀注飲飛具繒繳以射鳧鴈

給祭祀故有池

元帝紀

秦酒池在長安故城中廟記曰長樂宮中有魚  
池酒池池上有肉炙樹秦始皇造漢武行舟於  
池中酒池北起臺天子於上觀牛飲者三千人  
又曰武帝作以夸羌胡飲以鐵盃重不能舉皆  
抵牛飲西征賦云酒池監於商辛追覆車而不  
悟



影蛾池武帝鑿池以翫月其旁起望鵠臺以眺  
月影入池中使宮人乘舟弄月影名影蛾池亦  
曰眺蟾臺

琳池昭帝元始元年穿林池廣千步池南起桂  
臺以望遠東引太液之水池中植分枝荷一莖  
四葉狀如駢蓋日照則葉低蔭根莖若葵之衛  
足名曰低光荷實如玄珠可以飾佩花葉難萎  
芬馥之氣徹十餘里食之令人口气常香益脉  
治病宮人貴之每遊燕出入必皆含嚼或前以


為衣或折以障日以為戲弄帝時命水嬉遊燕  
永日士人進一豆槽帝曰桂楫松舟其猶重朴  
况乎此槽可得而乘耶乃命以文梓為船木蘭  
為柁刻飛燕翔鷁飾於船首隨風輕漾畢景忘  
歸起商臺於池上

鶴池在長安城西盤池在西北並廢

冰池在長安西舊圖云西有彪池亦名聖文泉  
盖冰彪聲相近傳說之訛也



三輔黃圖卷之四終



國家圖書館, NATIONAL CENTRAL LIBRARY, TAIWAN, R.O.C.



三輔黃圖卷之五

臺榭

周文王靈臺在長安西北四十里詩序曰靈臺  
民始附也文王受命而人樂其有靈德以及鳥  
獸昆蟲焉鄭玄注云天子有靈臺者所以觀祲  
象察氛祥也文王受命而作邑于豐立靈臺詩  
曰經始靈臺庶民子來經之營之不日成之劉  
向新序云周文王作靈臺及為池沼掘得死人  
之骨吏以聞于文王文王曰更葬之吏曰此無



主矣文王曰有天下者天下之主有一國者一國之主寡人者死人之主又何求主遂令吏以衣棺更葬之天下聞之皆曰文王賢矣澤及枯骨又况於人乎周靈臺高二丈周回百二十步漢靈臺在長安西北八里漢始曰清臺本為候者觀陰陽天文之變更名曰靈臺郭延生述征記曰長安宮南有靈臺高十五仞上有渾儀張衡所制又有相風銅鳥遇風乃動一曰長安靈臺上有相風銅鳥千里風至此鳥乃動又有銅

表高八尺長一丈三尺廣尺二寸題云大初四年造

栢梁臺武帝元鼎二年春起此臺在長安城中北關內三輔舊事云以香栢為梁也帝嘗置酒其上詔群臣和詩能七言詩者乃得上太初中臺災

漸臺在未央宮太液池中高十丈漸浸也言為池水所漸又一說漸臺星名法星以為臺名未央宮有倉池池中有漸臺王莽死於此 神明



臺見建章宮

通天臺武帝元封二年作甘泉通天臺漢舊儀云通天者言此臺高通于天也漢武故事築通天臺於甘泉去地百餘丈望雲雨悉在其下望見長安城武帝時祭太乙上通天臺舞八歲童女三百人祠祀招仙人祭太乙云令人升通天臺以候天神天神既下祭所若大流星乃舉烽火而就竹宮望拜上有承露盤仙人掌擎玉杯以承雲表之露元鳳間自毀椽桷皆化為龍鳳

從風雨飛去西京賦云通天眇而竦峙徑百常而莖擢上辨華以交紛下刻隋其若削亦曰候神臺又曰望仙臺以候神明望神仙也

涼風臺在長安故城西建章宮北關輔記曰建章宮北作涼風臺積水為樓

長樂宮有魚池臺酒池臺秦始皇造又有著室臺鬪雞臺走狗臺壇臺漢韓信射臺又未央有果臺東西山二臺未央宮有鈞弋臺通靈臺見門



望鵠臺眺蟾臺桂臺商臺避風臺

並見池沼門

長楊榭在長楊宮秋冬較獵其下命武士搏射

禽獸天子登此以觀焉

臺上有木曰榭

### 辟靡

周文王辟靡在長安西北四十里亦曰璧靡如璧之圓雍之以水象教化流行也詩曰於論鼓鍾於樂辟靡毛萇注云論思也水旋丘如辟靡以節觀者鄭玄注云文王作靈臺而知人之歸附作靈沼靈囿而知鳥獸之得其所以為音聲

之道與政通故合樂以詳之

漢辟靡在長安西北七里漢書河間獻王來朝獻雅樂武帝對之三雍宮即此禮樂志曰成帝時犍為郡水濱得古磬十六枚劉向說帝宜興辟靡焉

### 明堂

周明堂明堂所以正四時出教化天子布政之宮也黃帝曰合宮堯曰衢室舜曰總章夏后曰世室殷人曰陽館周人曰明堂先儒舊說其制



不同或曰明堂在國之陽大戴禮云明堂九室  
一室有四戶八牖凡三十六戶七十二牖以茅  
蓋屋上圓下方援神契曰明堂上圓下方八窓  
四牖考工記云明堂五室稱九室者取象陽數  
也八牖者陰數也取象八風三十六戶牖取六  
甲之文六六三十六也上圓象天下方法地八  
窓即八牖也四闔者象四時四方也五室者象  
五行也皆無明文先儒以意釋之耳禮記明堂  
位曰朝諸侯于明堂之位天子負斧衣南鄉而

立明堂也者明諸侯之尊卑也制禮作樂頒度  
量而天下服知明堂是布政之宮也又孝經曰  
宗祀文王於明堂以配上帝則周有明堂也明  
矣

漢明堂在長安西南七里漢書曰武帝初即位  
嚮儒術以文學為本議立明堂於城南以朝諸  
侯應劭注云漢武帝造明堂王莽脩飾令大

武帝建元元年議立明堂遣使者安車蒲輪東  
帛加璧徵魯申公又郊祀志初天子封泰山秦  
山東北陞古時有明堂處處險不敬上欲治明  
堂奉高帝未曉其制度濟南人公玉帶上黃帝



時明堂圖明堂中有四殿四面無壁以茅蓋通  
水水園宮垣為複道上有樓從西南入名曰崑  
崙天子從之入以拜祀上帝焉於是上令奉高  
作明堂汶上如帶圖及是歲脩東封則祀太乙  
五帝於明堂上坐合高皇帝祠生對之祠后土  
於下房以二十大牢天子從崑崙道入始拜明  
堂如郊祀是歲元豐五年也本紀元豐二年秋  
作明堂於泰山下五年春三月至泰山增封甲  
子祠高祖于明堂以配上帝太初元年冬十月  
行幸泰山十一月甲子朔旦冬至祀上帝于明  
堂

### 圓丘

漢圓丘在昆明故渠南有漢故圓丘今按高二  
丈周回百二十步

### 太學

漢太學在長安西北七里董仲舒策曰太學賢  
士之關教化之本原也王莽作宰衡時建弟子  
舍萬區起市郭上林苑中三輔舊事云漢太學  
中有市有獄

### 宗廟

宗尊也廟貌也所以髣髴先人尊貌也漢立四  
廟祖宗廟異處不序昭穆太上皇廟在長安西  
北長安故城中香室街南鴻翔府北關輔記曰



在酒池北

高祖廟在長安西北故城中關輔記曰秦廟中  
鐘四枚皆在漢高祖廟中三輔舊事云高廟鐘  
重十二萬斤漢舊儀云高祖廟鐘十枚各受十  
石撞之聲聞百里漢書文帝時盜取高廟玉環  
故事又云光武至長安宮闕以宗廟燒蕩為墟  
乃徙都洛陽取十廟合於高廟作十二室太常  
卿一人別治長安主知高廟事高廟有便殿凡  
言便殿便室便坐者皆非正大之處所以就便

安也○高園於陵上作之既有正寢以象平生  
正殿路寢也又立便殿於寢側以象休息閑宴  
之處也○考惠更於渭北建高帝廟謂之原廟  
○惠帝廟在高帝廟後

文帝廟號顧成廟孝文四年作顧成廟在長安城南文帝自為廟制度逼狹

若顧望而成猶文王靈臺不日成之故曰顧成也

景帝廟號德陽宮景帝中四年造德陽宮蓋帝自作之諱不言廟故號為宮

故事云景帝造德陽宮

武帝廟號龍淵今長安西茂陵東有其處作銅



飛龍故以冠名

武帝元光四年河決濮陽發卒十萬救河決起龍淵之宮取此為名武帝廟不言宮

昭帝廟號徘徊

宣帝廟號樂遊

在杜陵西北神爵三年宣帝立廟於曲池之北號樂遊按其處則今呼樂遊關是也因樂遊苑得名

元帝廟號長壽

成帝廟號陽池

太上皇

王

高祖父也

高祖也

有寢廟園原廟昭靈后

高祖嫂也

高祖母也

皆有園孝惠皇帝有寢廟

園孝文太后孝昭太后皆有寢園衛思后

庚太子母

皇祖悼考皆有廟園

宣帝父史遑孫

廟曰奉明

元成之世祖宗廟在郡國者六十八合百六十

七所京師自高祖至宣帝與太上皇悼皇考各

自居陵旁立廟并為百七十六又園中各有寢

便殿日祭於寢月祭於殿時祭於便殿寢日四

上食廟歲二十五祠便殿四歲祠又月一遊衣

冠四時祭宗廟用大牢列侯皆獻酎金以助祭

諸侯王及列侯歲時詣京師待祠助祭

漢儀諸侯王歲以戶口酎



黃金於漢廟皇帝臨受獻金金不如斤兩色惡  
王削縣侯免國注云因八月嘗酎會諸侯廟中  
出金助祭謂之酎金酎正月旦作酒八月成三  
重釀醇酒也味厚故以薦宗廟金黃金也不如  
法者奪爵又冊封諸王必於祖廟冊命之示不  
敢專也武帝元狩六年夏四月乙巳立皇子冊  
為齊王巨縣王胥廣陵王於廟中寄命  
漢制封皇子為王者其實古諸侯也周末諸侯  
或稱王而漢天子自以皇帝為稱故以王號加  
之總名為諸侯王

新莽壞徹城西苑中建章承光包陽大臺儲元  
宮及平樂當路陽祿館凡十餘所取其材瓦以  
起九廟莽曰予卜波水之北郎池之南惟玉食  
予又卜金水之南明堂之西亦惟玉食予將親  
築於是遂營長安城南提封百頃莽又親舉築  
三下九廟一黃帝二虞帝三陳胡王四齊敬王  
五濟北愍王六濟南悼王七元成孺王八陽平  
頃王九新都顯王殿皆重屋太初祖廟東西南  
北各四十丈高十七丈餘廟半之為銅構楹飾



以金銀珣文窮極百工之巧帶高增下功費數百鉅萬卒徒死者數萬

南北郊

天郊在長安城南地郊在長安城北所屬掌治壇墠郊宮歲時供張以奉郊祀武帝定郊祀之事祠太一於甘泉園丘取象天形就陽位也祀后土於汾陰澤中方丘取象地形就陰位也至成帝徙秦時后土于京師始祀上帝于長安南郊祀后土于長安北郊

社稷

漢初除秦社稷立漢社稷其後又立官社配以夏禹而不立官稷至平帝元始三年始立官稷

於官社之後後漢祭志云黃圖載元始儀甚

奏曰帝天之義莫大於承天承天之序莫重於

郊祀祭天於南就陽位祠地於北就陰位園丘

象天方澤象地圓方因體南北從位燔燎升氣

瘞理就類牲欲齋栗味尚清玄器成匏勺貴賤

因質天地神所統故類乎上帝禋于六宗望秩

山川班於羣神皇天后土隨王所在而事侑焉

甘泉太陽河東少陽咸失厥位不合體制聖王



于親郊天地先祖配天先妣配地陰陽之別以  
日冬至祀天夏至祀后土君不省方而使有司  
六宗日月星辰山川海星則北辰川即河山岱宗  
三光衆明山阜百川衆流滄汗臯澤以類相屬  
各數秩望相序於是定郊祀祀  
長安南北郊罷甘泉河東祀

觀漢博士劉熹釋名曰觀觀也於上觀望也

豫章觀武帝造在昆明池中亦曰昆明觀又一  
說曰上林苑中有昆明池觀蓋武帝所置桓譚  
新論云元帝被疾遠求方士漢中送道士王仲  
都詔問所能對曰能忍寒乃以隆冬盛寒日令  
袒載駟馬於上林昆明池上環以冰而御駟者

厚衣狐裘寒戰而侍都無變色卧於池上矐然  
自若即此也

飛廉觀在上林武帝元封二年作飛廉神禽能  
致風氣者身似鹿頭如雀有角而蛇尾文如豹  
武帝命以銅鑄置觀上因以為名班固漢武故  
事曰公孫卿言神人見於東萊山欲見天子上  
於是幸緱氏登東萊留數日無所見惟見大人  
跡上怒公孫卿之無應卿懼誅乃因謂青白上  
云仙人可見而上往遽以故不相值今陛下可



為觀於緱氏則神人可致且仙人好樓居不極  
高顛神終不降也於是上於長安作飛廉觀高  
四十丈於甘泉作延壽觀亦如之後漢明帝永  
平五年至長安悉取飛廉并銅馬置之西門外  
為平樂觀董卓悉銷以為錢

屬玉觀在扶風屬玉水鳥似鷓鴣以名觀也又

曰屬玉似鴨而大長頸赤目紫紺色宣帝甘露二年十二

月行幸黃陽宮屬玉觀

青梧觀在五柞宮之西觀亦有三梧桐樹下有

石麒麟二枚刊其脇文字是秦始皇驪山墓上  
物也頭高一丈三尺東邊者前左脚折處有赤  
如血父老謂其有神皆含血屬筋焉

射熊觀在長楊宮

武帝好自擊熊司馬相如從至上林作賦諫楊雄亦作長

賦楊

石闕觀封巒觀雲陽宮記云宮東北有石門山

岡巒糾紛干霄秀出有石巖容數百人上起其

泉觀其泉賦云封巒石闕弭迤乎延屬

白楊觀在昆明池東



長平觀在池陽宮臨涇水

龍臺觀在豐水西北近渭

涿木觀在上林苑

細柳觀在長安西北三輔舊事云漢文帝大將軍周亞夫軍於細柳今呼古徼是也

成山觀成王在東萊不夜縣於其上築宮闕以

為觀

成山觀不在三輔例見宮室門

仙人觀霸昌觀蘭池觀安臺觀淪沮觀在城外又有禁觀董賢觀蒼龍觀當市觀旗亭樓馬伯

騫樓在城內

麒麟朱鳥龍興含章皆館名

三輔黃圖卷之五終





國家圖書館, NATIONAL CENTRAL LIBRARY, TAIWAN, R.O.C.





三輔黃圖卷之六

閣

石渠閣蕭何造其下礧石為渠以導水若今御溝因為閣名所藏入關所得秦之圖籍至於成

帝又於此藏秘書焉

三輔故事曰石渠閣在未央宮殿北藏秘書之所

天祿閣藏典籍之所漢宮殿疏云天祿麒麟閣蕭何造以藏秘書處賢才也劉向於成帝之末校書天祿閣專精覃思夜有老人著黃衣植青藜杖叩閣而進見向暗中獨坐誦書老父乃吹



杖端煙然因以見向授五行洪範之文恐詞說繁廣忘之乃裂裳及紳以記其言至曙而去請問姓名云我是太乙之精天帝聞卯金之子有博學者下而觀焉乃出懷中竹牒有天文地圖之書曰余畧授子焉至于歆從授其術向亦不悟此人焉

麒麟閣廟記云麒麟閣蕭何造漢書宣帝思股肱之美乃圖霍光等十一人於麒麟閣

三秦記云未央宮有堯閣廟記云未央宮有白

虎閣屬車閣

署

虎威章溝皆署名漢有長水中壘屯騎虎賁越騎步兵射聲胡騎八營宿衛王宮周廬直宿處

庫

武庫在未央宮蕭何造以藏兵器

靈金內府太上皇微時佩一刀長三尺上有銘字難識傳云殷高宗伐鬼方時所作也上皇遊豐沛山中寓居窮谷有人冶鑄上皇息其旁問



日鑄何器工者笑曰為天子鑄劍慎勿言曰得公佩劍雜而冶之即成神器可克定天下昴星精為輔佐木衰火盛此為異兆上皇解匕首投爐中劍成殺三牲以釁祭之工問何時得此上皇曰秦昭襄王時余行陌上一野人授余云是殷時靈物工即持劍授上皇上皇以賜高祖高祖佩之斬白蛇是也及定天下藏於寶庫守藏者見白氣如雲出戶狀若龍蛇呂后改庫曰靈金藏惠帝即位以此庫貯禁兵器名曰靈金內

府

倉

太倉蕭何造在長安城外東南文景節儉太倉之粟紅腐而不可食

細柳倉嘉倉在長安西渭水北古徼西有細柳倉城東有嘉倉

廐

未央大廐在長安故城中漢官儀曰未央宮六廐長樂承華等廐令皆秩六百石



翠華廐大輅廐果馬廐騎馬廐大宛廐軛梁廐  
胡河廐駒駘廐皆在長安城外  
霸昌觀馬廐在長安城外  
都廐天子車馬所在  
中廐皇后車馬所在

園

秦獸園烈士傳云秦王召魏公子無忌不行使  
朱亥奉璧一雙詣秦秦王怒使置亥於獸園中  
亥瞑目視獸皆血濺於獸面獸不敢動

漢獸園九苑園一在未央宮中文帝問上林尉  
及馮媛當熊皆此處獸園上有樓觀

橋

橫橋三輔舊事云秦造橫橋漢承秦制廣六丈  
三百八十步置都水令以掌之號為石柱橋漢末

董卓  
燒之

渭橋秦始皇造渭橋重不能勝乃刻石作力士  
孟賁等像祭之乃可動今石人在渭橋在長安  
北三里跨渭

水為  
橋



霸橋在長安東跨水作橋漢人送客至此橋折柳贈別王莽時霸橋灾數千人以水沃救不滅更霸橋為長存橋 便門橋武帝建元二年初作橋在便門外跨渭水通茂陵長安城西門曰便門此橋與門對直因 號便橋

飲馬橋在宣平城門外

陵墓

漢諸陵先穆屬太常令后依其地界屬三輔

漢太上皇陵高帝葬太上皇於櫟陽北原因置萬年縣於櫟陽大城內以為奉陵邑其陵在東

者太上皇西者昭靈后也

高祖初居櫟陽故太上皇因在櫟陽十年

太上皇崩葬北原

高祖長陵在渭水北去長安城三十五里按高祖本紀十二年四月甲辰崩于長樂宮五月葬長陵長陵山東西廣一百二十步高十三丈長陵城周七里百八十步因為殿垣門四出及便殿掖庭諸官寺皆在中

吕后陵在高祖陵東按史記外戚世家高后合葬長陵注云漢帝后同塋則為合葬不合陵也



惠帝安陵去長陵十里按本紀惠帝七年八月  
戊寅崩于未央宮塋安陵在長安城北三十五  
里安陵有果園鹿苑云

文帝霸陵在長安城東七十里因山為歲不復  
起墳就其水名因以為陵號

景帝陽陵在長安城東北四十五里按景帝五  
年作陽陵起邑陽陵山方百二十步高十丈

武帝茂陵在長安城西北八十里建元二年初  
置茂陵邑武帝自本槐里縣之茂鄉故曰茂陵

周回三里三輔舊事云武帝於槐里茂鄉徙戶  
一萬六千置茂陵高一十四丈一百步茂陵園

有鶴觀

戶一萬六千一  
本作六萬一千

昭帝平陵在長安西北七十里去茂陵十里帝  
初作壽陵令流水而已石槨廣一丈二尺長二  
丈五尺無得起墳陵東北作廡長三丈五步外  
為小厨裁足祠祝萬年之後掃地而祭

宣帝杜陵在長安城南帝在民間時好遊鄠杜  
間故塋此



元帝渭陵在長安北五十六里

成帝延陵在扶風去長安六十二里

一日成帝於霸陵北

步昌亭起壽陵即武帝之廢陵也

王莽時遣使壞渭陵延陵園

門梁愚曰母使民復思也又以墨色澆其周垣

哀帝義陵在扶風渭城西北原上去長安四十

六里

平帝康陵在長安北六十里興平原口

文帝母薄姬南陵在霸陵南故曰南陵

即今所謂薄陵

也

昭帝母趙婕妤雲陵在雲陽甘泉宮南今人呼

為女陵李夫人墓東西五十步南北六十步高

八丈在茂陵西北一里俗名英陵亦云集仙臺

一日高三十丈周回三百六十步

王莽妻死葬渭陵長壽園偽謚曰孝穆皇后僭

號億年陵

舊本云億年陵王莽妻死謚曰孝穆皇后葬渭城長壽園西陵曰億年

雜錄

漢宮中謂之禁中謂宮中門閣有禁非侍衛通

籍之臣不得妄入

通籍謂記名於門通出入禁門也籍者為三尺竹牒記其



年紀名字物色縣官行道豹尾中亦視禁中謂  
門案省相應乃得入天  
子出行道中則  
有儀衛豹尾

至孝元皇后父名禁避之改曰省中省察也言  
出入禁中皆當省察不可妄也

鹵簿天子出車駕次第謂之鹵簿有大駕有法  
駕有小駕大駕則公卿奉引大將軍參乘大僕

御屬車八十一乘古者諸侯二車九乘秦滅六

駕八十一乘屬者作三行尚書御史乘之備千  
言相聯屬不絕也

乘萬騎出長安出祠天於甘泉備之百官有其

儀注名曰甘泉鹵簿法駕京兆尹奉引侍中參  
承奉車郎御屬車三十六乘北郊明堂則省副  
車小駕祠宗廟用之

清道謂天子將出或有齋祠先令道路掃灑清  
淨

靜室天子出入警蹕舊典行幸所至必遣靜室  
令先按行清淨殿中以虞非常蔡邕獨斷曰天

者宜幸也世俗謂車駕所至臣  
民被其澤以僥倖故曰幸也

離宮天子出遊之宮也



行在所天子以四海為家不以京師宮室居處

為常則當乘車輿以行天下天子至尊臣下不敢深瀆言之故托

謂之於乘輿或車輿所至奏事皆曰行在

陛下陛下所由陛堂也天子必有近臣執兵階陛

以戒不虞臣下與天子言不敢指斥天子故呼

在殿陛下以告之故稱陛下因卑達尊之意也

上書亦如之如群臣士庶相與語曰閣下足下

之屬

蘭館漢宮闕疏云上林苑有蘭館蓋蠶繭之所

也

蠶室行腐刑之所也司馬遷下蠶室

鍾室在長樂宮高祖縛韓信置鍾室中

作室上方工作之所

長安御溝謂之楊溝謂植高楊於其上也

闕觀也周置兩觀以表宮門其上可居登之可

以遠觀故謂之觀人臣將朝至此則思其所闕

塾門外舍也臣來朝君至門外當就舍更塾詳

所應對之事塾之言塾掖門在兩傍如人臂掖



也

闈闈宮中小門也

永巷永長也宮中之長巷幽閉宮女之有罪者

武帝時改為掖庭置獄焉

列女傳周宣王姜后脫簪珥待罪永巷

蠻夷邸在長安城內藁街

藁街街名蠻夷邸在此街若今鴻臚館

關中八水皆出入上林苑○霸水出藍田谷西

北入渭○滻水亦出藍田谷北至霸陵入霸○

涇水出安定涇陽芥頭山東至陽陵入渭○渭

水出隴西首陽縣烏鼠同穴山東北至華陰入

河○豐水出鄠南山豐谷北入渭○鎬水在昆

明池北○牢水出鄠縣西南入潦谷北流入渭

○漓水在杜陵從皇子陂西北流經昆明池入

渭

以上參校古本諸書補正九十六字



三輔黃圖卷之六終

刻三輔黃圖跋

三輔地自古衆建宮闕惟始皇阿房為  
世侈談不知惠文時業已基之非始皇  
始也蓋秦人之侈心所謂勞神苦人者非  
一日矣是必六國之憤氣有以驅之目前  
所為顧欲傳之萬世何其愚也漢興蕭  
何治未央高帝惡其過度孝文惜費不作  
露臺使子孫體之則漢氏不屋矣柰何武  
帝窮極奢侈日亦不足今觀黃圖所紀



是亦亡秦之續耳幸而不失者高文之  
遺也於戲上之侈費如此存於下者有  
幾生民安得而不困窮也哉追思茅茨  
土階之風邈焉不可見矣余於黃圖重  
有感焉今崇陽劉夫子取而刻之將以存  
古而示戒云爾後之覽者能曰是為鑒焉  
不惟有國之利亦有家之利也則是書之  
傳豈特資聞見而已哉昔

嘉靖己未冬通州江一山頓首並跋